

Finansdepartementet
Postboks 8008 Dep
0030 OSLO

Deres ref:

Vår ref:

Oslo, 28.10.16

Høyring om endring i forskrifa om land-for-land-rapportering

Det vert vist til brev frå Finansdepartementet av 30. september 2016.

- 1) Finansdepartementet skriv at forslaget som er sendt på høyring føljer opp deler av Stortinget sitt vedtak nr 792 (2014-2015). Høyringsforslaget inneholder ein skilde forslag som gjer at ein kunne nådd målsetninga om å synleggjera uønskt skattetilpassing og sikre relevante opplysningar knytt til LLR-rapportering frå datterselskap og støttefunksjonar i tredjeland. Problemet er at dei same betringane ikkje vert ivaretakne fordi det er forslag om å bruke formuleringar og omgrep som gjev det fullt muleg å omgå desse. Industri Energi meiner difor at vedtak nr 792 (2014-2015) ikkje vert følgt opp på ein tilstrekkeleg måte.
- 2) Industri Energi stiller seg bak PWYP-Norge sitt forslag om at forskrifa for utvida-land-for-land rapportering bør vera i rekneskapslova §3-3s., og at denne vert endra slik at dei relevante opplysningane kjem fram i rekneskapet og kan synleggjera potensiell uønska skattetilpassing.
- 3) Det er positivt at Finansdepartementet har gått vekk frå at rapporteringa vil ha økonomiske konsekvensar for selskapene.
- 4) Det er positivt at Finansdepartementet aksepterer at opplysningane i stor grad er tilgjengelege gjennom årsrekneskapsrapporteringa.
- 5) Industri Energi støttar PWYP-Norge sitt forslag om at selskapene må ta desse opplysningane inn som notar i finansrekneskapet. Ein separat rapport tilgjengeleg i 5 år dekker ikkje formålet med utvida-land-for-land-rapportering.
- 6) Finansdepartementet føreslår at rapporten skal innehalde opplysningar om kostnadane i staden for krav om rapportering av kjøp av varer og teneter. Dette inneber at rapporten må gi opplysningar om føretaket sine fulle kostnadane, noko som er betre for å setje føretaket sine betalingar til styremaktene og føretaket sine skattemessige tilhøve inn i ein større samanheng.
- 7) Plikta til å rapportere vert kopla til skatteinsetting. Dette betyr at ein berre treng rapportere investeringar, salsinntekter, produksjonsvolum og kostnadane i dei landa kor selskapet er plikta til å rapportere betalingar til styremaktene. Skatteparadisa vert såleis skjerma. Alle land må inngå dersom ein skal kunne identifisere kor selskapet betalar skatt og kor dei ikkje gjer det. Dette punktet må endrast for at forskrifa skal fungere etter hensikt.
- 8) Selskap kan unngå rapportering av datterselskap dersom morselskapet gjennom alvorlege og langvarige restriksjonar vert hindra i å utøva rettane sine i høve til datterselskapet eller at ein ikkje kan henta inn opplysningar i rimeleg tid eller utan

store kostnadar. Selskapa bør som minimum gjera greie for kvifor rapporteringa manglar og kva som er årsaka.

- 9) Industri Energi støttar PWYP-Norge sitt krav om at Finansrekneskapet bør vera den sjølvsagte kjelda for alle opplysningskrava. Det er meiningslaust at selskapa skal nytte andre tal enn dei som er lagt fram til revisor og er revidert.

Med venleg helsing,
Amalie Hilde Tofte,
Internasjonal rådgjevar,
Industri Energi